



AKCIJE "LIST 2" I "BOX" Policija pretresla 30 lokacija i privela 36 osoba

Duhanska mafija oštetila budžet za 10 miliona KM

Oduzeto 10 tona duhana u listu i rezanog duhana, kao i sedam mašina za rezanje. Policijska istraga se navodno vodi i protiv preduzeća "Bosanac" iz Orašja. Duhan prodavali nacрно i izbjegavali plaćanje akcize koja iznosi 85 maraka po kilogramu, i pripadajući PDV

Pripadnici Državne agencije za istrage i zaštitu (SIPA) jučer su pod nadzorom Tužilaštva BiH i po naredbama Suda BiH proveli akcije „List 2“ i „Box“, usmjerene protiv organiziranog kriminala u vezi s nedozvoljenim prometom akciznih proizvoda.

Zajednička akcija

Akcija je izvedena u saradnji s pripadnicima Uprave za indirektno oporezivanje BiH, te uz podršku policajaca iz Brčkog, Zapadnohercegovačkog, Unsko-sanskog i Hercegovačko-neretvanskog te MUP-a RS-a. Pretreseno je više od 30 lokacija širom BiH, uključujući Orašje, Bijeljenu, Gra-

dačac, Brčko, Banju Luku, Sanski Most, Mostar, Grude, Posušje, a izuzeta je dokumentacija i oprema, te duhan koji se nezakonito prodavao na bh. tržištu.

Do zaključenja ovog izdanja Faktora ukupno je privedeno 36 osoba, te je oduzeto 10 tona duhana u listu i rezanog duhana, kao i sedam mašina za rezanje.

Kako se nezvanično moglo čuti, predmet obrade, između ostalih, jesu Marinko Radanović, Betti Radanović, Sven Radanović, Danijel Avramović, Tanja Avramović, Marko Andrić, Milenko Kojić, Marko Kojić, Danijel Propratin, Branislav Ignjić, Marta Tešić, Vojislav Tešić, Stana Ganilo-

vić, Redžep Omerović, Ruža Skenderović, Perica Ninčić i Ekrem Zelkanović.

Prema također nezvaničnim informacijama, pod posebnom lupom je preduzeće Bosanac iz Orašja.

- Privedene osobe sumnjiče se da su kao odgovorne osobe u nekoliko pravnih subjekata u BiH omogućavale velikom broju kupaca, odnosno preprodavača duhana, da neovlašteno i mimo zakona, dalje prometuju duhan u listu i rezani duhan u BiH - saopćeno je jučer iz UIO-a.

Prodaja nacрно

Na takav način duhan se prodavao nacрно, čime se izbjegavalo plaćanje akcize koja

iznosi 85 KM po kilogramu, kao i pripadajući PDV.

Sumnja se da je u periodu od februara do augusta ova organizirana grupa nezakonito prometovala na tržištu BiH oko 100 tona duhana, čime je po osnovu akciza i PDV-a budžet oštećen za oko 10 miliona KM. Konačan iznos za koji se sumnja da je oštećen državni budžet bit će poznat po okončanju svih kontrola na terenu i pripreme izvještaja za Tužilaštvo BiH.

Podsjetimo, u toku prošle godine provedene su akcije „List“ i „List1“ kada je oduzeto 48 tona duhana i nekoliko mašina za rezanje. **M. M.**

HAPŠENJE U HADŽIĆIMA

Nađeno 50 šteka cigareta

Na magistralnom putu M-17, u mjestu Raštelica kod Hadžića, pripadnici Četvrte sarajevske PU u srijedu su kontrolirali mercedes kojim je upravljao Boško Vukasović (62) iz Neuma, sa kojim se u vozilu nalazio Dalibor Novokmet (43) iz Ljubinja. Prilikom pregleda vozila, u kartonskom paketu pronađeno je i oduzeto 50 šteka cigareta marke "Merilyn", 149 šteka cigareta "Point Estra" i 100 šteka cigareta "FM Blue" bez akciznih markica. Oni su policajcima rekli da su cigarete kupili na pijaci u Čapljini od nepoznatog muškarca koji vozi VW Caddy, a namjeravali su ih prodati na pijacama u Sarajevu, što su i ranije radili. Obojica muškaraca su privedena zbog krivičnog djela neovlaštene proizvodnje akciznih proizvoda.



Kroz crno tržište u BiH prošlo oko 100 tona duhana